

故宮博物院
珍藏

安徽府州縣志

共八冊
第五冊



故宮博物院編

海南出版社

故宮博物院編

亳州志
巢縣志

全椒縣志
南陵縣志

阜陽縣志

第三冊（共三冊）

故宮珍本叢刊第 105 冊安徽府州縣志第 5 冊（共 8 冊）

海南出版社

圖書在版編目(CIP)數據

故宮珍本叢刊.第103~105冊,地理.都會郡縣.安徽,[乾隆]亳州志、[雍正]巢縣志、[康熙]全椒縣志、[嘉慶]南陵縣志、[乾隆]阜陽縣志/故宮博物院編.-影印本.-海口:海南出版社,2001.4

ISBN 7-80645-973-1

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06457 號

故宮珍本叢刊第 105 冊

安徽府州縣志第 5 冊(共 8 冊)

[乾隆]亳州志 [雍正]巢縣志 [康熙]全椒縣志
[嘉慶]南陵縣志 [乾隆]阜陽縣志

第三冊(共三冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:32 印數:1-400 冊

ISBN 7-80645-973-1/Z·54

定價:1680 元(安徽府州縣志 14 種共 8 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末,

南陵縣志卷之八

人物志

名臣

孔子曰所謂大臣者以道事君不可則止至哉言也方其僻處窮廬意氣固已遠矣傾側擾攘之中歷百折而不同又何其毅然自任也迨至從容黼黻勳猷燦然德及民生聲施後世宜其伯仲之間見伊呂矣

宋徐勣字元功舉熙寧進士授吳江尉除桂州教授王師討交趾轉運使勣勸從軍地瘴險役者多道亡捕得千餘人使勣杖之勣以羸病不勝杖請涅臂使者怒欲并劾勣勣終不爲

南陵縣志

卷之八

人物志

名臣

一

奪大將郭逵逗畱不進勣謂副使趙鼎曰師出淹時主帥無討賊意何由成功因言於朝謂斷者人主之利器今諸將率首鼠耳惟斷自上意達扁坐貶舒直將以御史薦勣惡置爲人辭不答知建平入爲諸王宮教授判通州瀕海有隄廢不治勣躬率護築民賴其利復教授廣陵申王院改王府記室參軍哲宗見其文獎之欲以爲左右史徽宗立擢實文閣待制兼侍講遷中書舍人修神宗實錄時紹聖黨尙在朝帝謂勣朕每聽臣僚進對非詐則或惟卿鯁直朕所倚賴因論擇相召范純仁韓忠彥勣頓首賀曰得人矣詔同蔡京校五朝實訓勣恥與京伍固辭奏京惡引盧杞爲喻遷給事中翰林

學士上疏陳時要任賢求諫選用破朋黨明功罪六事國史

久不成勣言由元祐紹聖史臣好惡不同范祖禹等專主司

馬光蔡京兄弟純用王安石議論紛然宜悉取當時輔相家

藏紀錄參訂是非勣成大典帝然之命勣草詔帝初銳意欲

損革新法曾布乃密陳紹述之說帝不決以問勣勣曰聖意

非欲兩存乎今是非未定若不考實姑務兩存未見其可又

論棄涇州請自今勿妄興邊事京以勣與何執中宮邸舊僚

曲意事之勣不少降尋請歸省或言學士未有出外者帝曰

勣告歸耳非去朝廷奈何輕奪之俄而居喪京入輔執中亦

預政摘勣行章惇詞爲詆先烈服闋主管靈仙觀入黨籍起

南陵縣志

卷之八

人物志

名臣

二

知江寧府復論罷大觀三年知太平州入覲極論茶鹽法爲民病曰生財有道用財有法國用不足在明詔有司講行耳帝曰不見卿久今日乃聞嘉言加龍圖閣直學士畱守南京蔡京自錢塘召還過宋見勣諷之曰元功遭遇在伯通右伯通既相矣勣笑曰人各有志吾豈以利祿易之哉京慙不能對勣亦終不復用以疾除顯謨閣學士致仕卒贈資政殿學士歷有世襲奉祀生

明

丁鑑字永時永樂中以書法徵入國子監預修永樂大典除戶部主事調吏部再調禮部祠祭司二十一年扈從北征宣德中丁父憂服闋改戶部正統初陞刑部郎中出爲浙江都

轉運使以廉能治行選天下第一嘗出使徐州做汲黯事便
宜發倉賑饑上賜衣幣宴禮部旌異之擢河南布政使司右
布政治益有聲會土木變起景泰立召爲刑部左侍郎時警
報日至奉詔分遣才望大臣協同鎮撫等官提督操練於是
鉉同戶部左侍郎沈翼工部右侍郎張敏右通政使欒惲皆
被命出翼駐臨清敏駐太原惲駐長安鉉獨總理大名河南
鳳陽淮安三省咸屬焉其往來調度團練義勇分屯設險皆
有成畫所過境內災傷設法賑濟安輯軍民遠近德之北兵
退召還本部遂請告歸尋卒予祭葬祀鄉賢

何燧字贊文一字文明領嘉靖癸卯鄉薦癸丑舉進士除行

南陵縣志 卷之八

人物志 名臣

三

人司行人遷兵科給事中奉使陝西還晉戶科右給事尋遷
禮科遇事持大體多所建明隨進吏科都給事中時輔臣嚴
嵩專國鬻權凡出差撫按皆黷貨婪財請謁侵欺悉爲隱匿
士風不振賊吏不懲其額外苛徵交通筐篋莫如何也燧乃
條陳五事曰寬民力曰懲賊吏曰重糾察曰正士風曰禁奢
靡疏上詔以寬民力一事下戶部每歲錢糧各給信票不得
別派亦不得多納以懲賊吏重糾察正士風三事下部院從
實舉行以禁奢靡一事下禮部出榜禁革仍示大臣科道各
加儉約以爲眾先燧益感奮自効隨疏帑藏匱絀歲用益繁
懇乞聖明早賜計處以濟時艱以固邦本凡數千言尤爲愷

切上欲大用遂以疾卒於官時論惜之燧素有志操爲諸生
時家赤貧見人爭取書銀讀書不顧偕從兄變遊歸太僕之
門震川極器重之有送何氏二子歸南陵序陵邑舊苦牧養
官馬里民劉瓚叩閭奏聞行變種馬燧力居多云

許夢熊號印峯隆慶辛未進士授浙江仁和令以言忤新鄭
王改福建福清縣蓋福清前令爲倭所逐王欲以此陷之夢
熊笑曰此虞詡之所爲別利器也慷慨就道既下車寬輸便
民革稅通商築堡防邊兵民賴之尤振興文教建號舍置學
田令諸生誦讀其中時葉文忠向高方試童子一見許爲宰
相器命同子讀書署齋爲之婚娶以忤巡按御史落職明年

南陵縣志 卷之八

人物志 名臣

四

補河南布政使都事隨轉湖廣宜都令時大學士張居正專
國言路諸人以論居正奪情得罪者悉廷杖遣戍夢熊爲居
正辛未所得士乘其歸葬進見因從容勸有言者居正領之
爲宜都有聲轉工部都水司主事督儲易州抗疏請革惜薪
司中官常例以甦商困復指斥權璫馮保坐譴後補德州同
知陞東昌府判轉兵部職方司員外郎乃上籌邊策爲臺臣
聶所攻降茶陵州同知吏部察其誣轉順天府判移戶部督
運榆林軍餉二十萬每鞘浮銀十餘兩邊人感悅以上崇正
學疏論眞人張國祥服王帶位六卿右忤旨歸初夢熊貧而
好學讀書無燭其季父之子夢龍爲採薪束而燃之或置書

桔槔間吟誦及貴遊宦數十年無中人之產事繼母孝沒祀鄉賢閭志列名宦

楊志熊又識林公茂槐李公多見後皆顯仕副憲戴新憲長劉有源並所獎成

劉有源字仲開號工峯萬歷丙午丁未聯第將之官出己田數十畝分給羣伯仲曰我幸沾祿薄產可共也知浙江西安縣均賦役建浮梁徵授貴州道御史未拜聞父病遽歸連居父母憂戊午起補湖廣道御史時神宗末倦勤凡疏奏畱中數年不下遷轉路塞國事壅廢有源上疏極諫謂羽書疊告朝宇空虛保邦制亂莫急於用人今宜朝上夕下若復經年累月翫惕爲常臣恐天下事不待智者而知其終也疏入不省邊事日壞請餉莫應有源復上措置軍餉一疏言極危切

南陵縣志

卷之八

人物志

名臣

五

又不報時御史多缺有源以一人兼領諸差綜治嚴明收捕東城大猾賈永亨中貴爭爲解不聽卒按其贓輦下稱執法御史然朝貴多不悅會議紅丸移宮兩案有當正新君踐阼之始善先君上賓之終母已甚傷國體語巡按廣西懲貪雪枉撫輯諸土司例轉四川參議移病歸天啓五年薦起浙江參議未幾部推四川副使俄召還湖廣道御史時逆閹魏忠賢專政有源不欲行畱數月方就道隨抗疏以病辭坐忤旨免官閑住崇正改元起復陝西道御史每見起廢諸賢多事報復私歎曰國法非人臣所宜專新君不可導使手滑時以爲名言條上兵餉事至再以持議與用事者不合又出爲參

政備兵永平未任改井陘道居三年陞江西按察使引疾不

待報卽行遂以老疾例免歸有源內剛外和奉職循謹不事

標榜在朝與賢士大夫交不附黨外任又疏簡無所問遺自

以侍從舊臣不與人俯仰坐是孤立見擠於朝不恤也既歸

老益友愛諸弟敦睦宗黨築石堰以利通邑請除賦役羨例

推賢排難爲德於鄉不勝數云卒年八十有四祀鄉賢

國朝劉楷字子端號蓮庵觀察有源曾孫二十舉於鄉登康熙

己未進士授中書科中書舍人辛酉分校北闈甲子典試福

建得人稱盛丙寅

御試親擢第一補刑科給事中疏請飭督撫下令嚴戢訟師以

南陵縣志

卷之八

人物志

名臣

六

息刁風淳民俗丁卯轉戶科掌印給事中疏論督撫保舉學臣請停止公明尤著一條謂學臣以專設之官奉鈴束於督撫竭通省之精神爲逢迎之善物學臣有進身之階督撫有挾制之具且既有剔除十弊之條尙慮不公不明則所剔除者何弊如謂十弊既剔則公明卽在其中矣公明尤著一條應請停止又請嚴河臣保題官員以杜濫冒指陳更爲深切又請嚴戢左道惑眾或稱祖師降乩或逞邪說託言前知致愚氓輕信十百爲羣恐貽害匪細至小說淫詞最易壞人心術宜火其書重懲私著與鬻書之肆

上皆嘉納允行而風裁嶽嶽尤莫如密具相臣之柄政日深廣

佈腹心暗攬權勢冒死糾參仰祈

睿鑑大奮乾斷立解柄權以永奏治平之效一疏疏上悉如所奏梟賜罷斥疏仍畱中一時輦下肅然戊辰擢通政司右參議轉鴻臚寺卿奉

命祭告陝西黃帝以下諸陵屏絕供億諸陵道有遠近有司請從道里便楷不許必以時代爲先後亦不聽有司請合祭謂之曰祝冊

御筆親書名載在會典諸君獨不聞乎若使妄爲并省是率略不敬罪孰甚焉人咸歎服還陞通政司右通政轉光祿寺卿致政歸杜門著述版輿奉母孺慕不衰楷幼失怙卽以旌母

南陵縣志

卷之八

人物志

名臣

七

節復條編置義田爲願至是以母節請旌賜金樹楔倡復條編力持以垂久遠捐俸置義田二百六十畝以贍族之貧乏悉成其志尤念陵祀舊文日盛蒙

聖朝教育嚮學者眾猶抑居中學引河南葉縣例請當事題改大學會病卒易簣時猶諄命其子灝沛沈薰勿怠厥事越數年竟得

上聞詔如所請邑人德之卒年七十有二祀鄉賢

人物志

忠節

聞之殺身成仁者人臣之大節又曰忠臣之義有死無二信斯言也非死不足以著節豈黼黻隆平者非歟事君分也稱職心也安危治亂時也亦遇也不得已而以身殉所遭有幸有不幸也忠君愛國之心則一而已矣然已慘矣

元張國岡任俠好義至正丙申雙刀趙寇縣國岡親率義兵奮戰兵敗被執不屈賊斷其兩膝至死罵不絕口明洪武戊申勅贈忠義將仕郎祀鄉賢

國朝乾隆十五年奉文復建專祠

南陵縣志

卷之八

人物志

忠節

八

元主一

明吳景字伯陽宏治丙辰進士初授江西奉新令歷任四川僉事發奸摘伏蜀稱神明播州夷酋楊友自置所逃歸其姪宣慰使楊斌奏欲逐之鎮巡官委景勸處景以國家於羈縻之屬法不盡施順其土俗因其人情苟無大害任之可也其實以取進止時東達等處流賊猖獗巡撫林檄景至軍門贊畫藍鄆就擒餘黨遁入川東歷南川綦江逼江津巡按俞緡以景有才略馳檄委守江津期五日以兵援景馳赴江津在城孱弱不滿百人重以淫雨城東西南三面皆土築崩潰過半景少繕治括城中丁夫遊食者得二千人日夜操巡爲守城計諭士民以忠義率大姓刁胡周等約三百人與賊連

南陵縣志 卷之八

人物志 忠節

九 元士一

祠於死所官其子鎬世襲建陽衛百戶後改宣州衛百戶參政邵黃名其祠曰忠義

施所蘊號王壺農部善教長子以蔭丞光祿寺轉貴閭幕權黎平府篆安會之亂捐俸給餉守禦多方黎賴以安未幾告歸崇正癸未流寇掠縣境蘊毅然欲糾鄉勇堵拒之莫有應者乃慷慨泣下曰祖宗養士數百年竟無一人義勇自奮者寇大至人勸其入城以避曰吾家世受國恩義有死耳何避為乃端坐中庭指寇大罵寇叱之晚曰吾膝豈為鼠輩屈耶寇怒刃其膝仆地猶罵不絕口遂遭慘戮子汾甫十二歲抱父屍哭踊幾絕寇為感動釋之去巡按御史鄭旌曰氣互長

虹

朱懋華字仲弢少孤力學不解治家人產嘗日昃不炊楊腹朗誦恬如也崇正丙子舉於鄉癸未成進士授浙江定海知縣潔己愛民莅政甫數月聞闖寇入京師明社為墟乃衣冠懷印望北遙拜自縊署齋其生平於經史子集無不貫通為文高古奇崛死節後知與不知皆歎為不負所學云

欽定 勝朝殉節諸臣錄 賜通諡節愍

劉大京字君開性孝友忠愷摯每讀書見古人節烈事輒感慕歛歎曰士不當如是耶值鼎革新令至家人委曲勸諫不從慷慨就刑時有劉希邁者亦同口死

南陵縣志 卷之八

人物志 忠節

十

劉永合字符卿崇正末張獻忠破廬州餘賊躡及南陵永合糾健壯捍鄉里屯葉家橋賊驟至倉卒星散永合被執罵不絕口賊怒截其顱子邑廩生士喬痛哭幾絕賊異之舍去尋以哀死

今府志增

國朝孫斌字淑獻號鍾山順治壬辰武會魁歷任福建福寧鎮遊擊康熙甲寅耿逆反以書招斌斌焚書斬使飛報浙撫請兵合討時浙解協餉一十五萬已至福界得報急追回叛兵龔盛等圍署劫剽印綬斌獻於偽都督曾養性臨斬忽有急前呼者曰孫斌緩決畱候令旨閱五日耿逆令解斌至省親勘責以三大死罪斌抗辭不屈惟願速死耿逆怒令偽都尉

南陵縣志

卷之八

人物志 忠節

十一

嚴加鉗鈇看守鐵佛寺中八月耿逆傳斌至密室解顏慰勞令設謀取浙江江西得一卽以爲總督斌瞋目不答耿逆愈怒揮出陰令僞兵曹王于玉私探問終無一語耿逆知不可奪發置興化鹽倉看守羈省及興化凡二年丙辰九月耿逆密約海寇至其帥許一鎮者授斌鎮銜使守烏龍江不從令爲監軍道又不從乃令隨軍行走不得暫離斌一夕逃歸語妻胡氏曰如事急自爲計我去延平請王師圖收復矣胡曰君去母以我爲念此階前井乃我母女畢命處也是夜斌與僕張祥逃去至背嶺山追卒至強之回不可挺杖交下推墮峻崖血肉淋漓不復能聲張祥解衣覆之追卒懼無以繳令

覓板扉昇至興化僞帥將殺之僞興明伯爲之解得不殺腰肋皆折卧不能起者半年丁巳春王師下興化斌負痛扶杖謁軍門解衣請驗康親王令發浙督查報斌至衢州浙督李慰諭暫歸醫治存案候題已未入都自具通本述始末庚申浙督覆疏兵部議敘加一等奉

旨從優以副將用適西蜀初平遂以副將管夔協副將事譚逆宏復據夔關斌倍道疾馳逆潛遁以功加三等授都督同知誥封榮祿大夫胡氏封一品夫人曾祖以下如其官甲子四月間繼母曹在籍病故痛不欲生求解任丁憂

詔特許之己巳以疾卒於家武職丁憂自斌始

舊府志載武烈今補入

人物志

宦業

古者人臣功有五品皆以宦業概之亦謂君子居其位則思修其職吾自盡吾職耳豈以是書竹帛邀光寵哉竊觀前史所載或書良吏或書廉吏或書能吏卓有可紀者代不數人其故何哉居今之世志古之績所以示鏡也豈曰舊聞庸庸者尸位已耳素餐已耳何足道哉何足道哉

宋昌永字禹功初以三舍法貢京師爲辟雍生靖康中金人犯京永倡太學諸生守義不屈已而朝廷重其節例補進義校尉事平渡淮南歸失其舍後就鄉舉兩薦春官紹興辛未奏

南陵縣志

卷之八

人物志 宦業

十二

名第一累遷太常寺丞出爲河南參議改淮東參議以奉議郎致仕卒於家

劉拯字彥修宣州進士及第知常熟有善政歷官吏部尚書左轉工部以樞密直學士知同州坐侍御史洪彥升論罷歿

祀府鄉賢祠

乾隆府志末載今補入

董必字子疆登熙寧九年進士久從王荆公遊所至有聲知荆南府建堡塞以控制溪洞諸蠻不敢爲寇以功再任卒於

官贈龍圖閣直學士

乾隆府志末載今補入

趙企字循道登熙寧九年進士材藻華瞻風度灑落爲時所推仕至禮部員外郎階朝請郎卒

明秦銘字日新宣德中由國子生知陝西同州爲政廉平巡撫

中丞耿九疇薦擢本省左參議歷仕二十餘年清介一轍所

至有聲致政歸杜門養重

孫吳字曰明宋龍圖學士孫諒之後少有文名督學御史戴

珊稱十才子以吳爲首王鑒董傑輩次之領南畿成化丁酉

鄉薦任浙江海寧

一作海鹽

令抑豪強旌良善築隄捍海民賴以安卒於官民爲樹思德碑

阮璉字重器由貢生任蕭山縣丞甘淡薄赴官不攜妻子俸

外一毫不取興利除害敢於有爲邑東濱海潮漲汨沒居民

死者不可勝紀築隄捍之民賴以安未及三載陞陳州判官

南陵縣志

卷之八

人物志

宦業

十三

乞休歸蕭民德之爲立去思碑

陳州府志作祁州

谷敬字資敬敏而好學樸而不華由鄉貢累任東昌府儒學

教授致仕操守始終如一

陳孜幼穎異長與兄都運效俱以文名領宏治壬子鄉薦任

霸州同知奉勅清理宣遼二鎮屯田蒔有能聲陞寧羌知州

川蜀流賊羣聚殺掠郡邑皆殘毀獨寧羌城獲全及致政歸

閑門吟咏不入公庭性方正仁厚卒年八十三

崔雲復姓許字時望善屬文宏治辛酉舉人知恩縣廉明勤

慎擒巨盜遼果民得安堵陞膠州守以父艱未赴服除有勸

補任者雲歎曰向所以戀戀五斗爲親屈也今復何求哉遂

築室墓側日以典籍自娛絕跡郡邑卒年七十恩縣立去思

碑

王木字近仁正德丁卯舉人授江西廣信府推官以廉潔著

遷湖廣辰州適洞蠻拒命木設策平之特詔以旌初辰俗不

諳織紵木爲設機杼召民間老嫗入署家人教之自是辰婦

女始知本務治爲風俗後有邑人熊如泰者任楚府經歷猶

親見其民歲時尸祝云

周儀字宗式賦性正直生平孝友父母既葬廬墓所三年與

兄偕析產義讓其二領正德庚午鄉薦辭里甲百金餽及宰

宣平有廉愛聲

南陵縣志

卷之八

人物志

宦業

十四

汪全字體之舉嘉靖丁酉鄉薦生平孝友曾鬻田代兄償負

任福建漳州府判適倭寇憑陵設策殲擒論功受賞漳賴以

安後致仕歸杜門著書以終

汪鎰字衡夫嘉靖丙午舉鄉試就銓任邱令清廉正直矯矯

有聲毀淫祠惟存漢壽亭侯廟改令新樂清驛傳減馬價招

集流移邑人賴之遷岳州府判致仕歸

任邱楊志作沈邱

陶宗儒嘉靖癸巳選貢擅文譽志行卓然任山西布政司理

問克勤厭職陞山東青州府通判以收贖賊功加銜僉事未

幾移疾歸宣邑殷撰沈懋學宗儒門下士也寄詩青州有云

小試青州什英雄用武秋笑談翦宿寇霧捲海濤收蓋紀其

實云

施善教號心寰十二歲能文弱冠通五經子史以大收首擢游庠明年試復第一食餼又明年膺隆慶恩選己卯擬元未獲凡七試始登戊子賢書乙未成進士洪陽張相國署其卷曰己卯科已知為奇士寥寥十七年猶然高第所謂有志者事竟成也授戶部主事督西倉遷員外郎奉使朝鮮秉性質直少文仕途多躋謫福寧州同知陞靖州守復轉靖王府長史致仕居蘆塘布衣徒步嗜古課子歲饑隨所有以濟鄉人汪冀夔號一寢萬歷乙未進士初授襄陽令襄故劇邑郵符充斥逋負叢積夔治煩如簡有聲嘗從疑案內辨出大辟十

南陵縣志

卷之八

人物志

宦業

十五

七人襄民德之為刻辨冤實錄庚子分校省試任六年奏最陞南京戶部主事卒

葉時晏號瑤山由貢生歷仕至順天涿州知州性仁慈政尚簡易視州事如家事見有糴新穀者歎曰糴賤糴貴此民間所以鮮積貯也嚴禁之有訟者輒愀然諭以里鄰睦而後風俗淳奈何相爭相軋干天地和氣為身家憂民薰其德訟獄衰息奉文丈量履畝親勘胥吏無得售其欺鹽務常規盡卻諸上臺獎以畿輔循良第一

管一鯨字若谷少有文名所友皆知名士由歲貢知新津縣廉潔持躬愛民若子奢酋之亂運籌保境邑中火災亟脫冠

服投列焰中曰寧焚令毋焚民火旋息陞養利州知州土司龍寧內江督撫委鯨輯定之以勞致疾卒於官

戴新號浴日萬歷甲辰進士初授虞部主事典節慎庫多所釐剔出知寧波府風裁明敏吏民畏服郡瀕海數苦倭寇造船備械防禦周至寇不能為患禁曹官毋受訟牒下僚毋用酷刑禁監委禁折乾嚴正之績著於浙東陞湖廣武漢道未赴任卒祀寧波名宦祠

戴士憲號蔣陵性沉潛好讀書嚴冷寡諧有返樸歸真意由天啓辛酉鄉薦署亳州學正賦詩論文稱風雅博士流寇劫掠同州守籌畫并禦城賴以全遷贛州判慨然解組歸足跡

南陵縣志

卷之八

人物志

宦業

十六

不履城市居鰥不續娶里黨義之

許久申字日華職方夢熊長子以例貢同知山東德州再補河南汝州有吏能轉雲南澂江府通判嘗權廣西景東二府事治逼沙夷恆苦劫掠久申至督土司兵卒三千人親冒矢石宣諭威德沙夷隔江羅拜還所掠男婦二百餘人牲畜千餘郡境以寧所轄六涼越州二衛軍儲繁委積逋不可詰故事責廣西徵二衛胥吏奔走頻年負累久申上言二衛設有撫捕今以廣西越二百里而徵之何如捕撫坐而徵之為便請還衛政於捕撫兩臺嘉其議從之其在景東時逋負者多逃入威遠州久申乃令曰凡我窮民復還故業給以牛種始

聞挈子女至者一二百人久申悉編入鄉里安插解俸糴米給之自是老幼攜持不絕一歲中致二千有奇府治遂成都會景東土司陶明卿沉江土官那天福交惡擁兵相殺久申馳往諭之諸酋長皆下馬投戈久申因命取酒爲兩家設誓遂以無事當請革茶稅疏通象解諸生田騰龍田騰鳳因誣服論死久申廉得其情辨釋之又嘗防新興河招撫巨盜盡歸耕販以母老告請慰留加臨安府同知駐新河泰昌元年乞休歸崇正中以建儲恩晉階奉政大夫子名成仕北京西城兵馬指揮終襄王府審理正

王世幹字旋宇天啓初由監生任岷縣丞佐政有聲署縣篆

南陵縣志

卷之八

人物志 宦業

十七

元臣卜

值白蓮賊倡亂幹率義勇指授方略與賊數萬戰於邑之鳳山擒其巨魁餘黨悉遁境獲安堵民尸祝焉後以誣誤去任士民擁道泣留賦詩歌繪圖以贈謂公歸常如見我百姓哭別衢路時也

國朝秦才管字尾仙與兄仁管同登順治丁亥進士並官戶部主事累陞郎中兄弟友讓奉職恪謹司權蕪湖省苛稅便賈船還最提學陝西僉事慎簡集峻時懼隕越會病聞父母喪號慟仆地遂不起藩臬諸僚哀其廉貧斂金爲賻視始得歸才管爲人樸厚稱長者多恤宗舊年不中壽一子又殤論者僉曰天道無知兄仁管以子雍承其後祀陝西名宦祠本縣

祀鄉賢

程天衢山增貢生授陝西鞏昌府階州同知階州壤接西番治境遼闊於西固城另設同知衙署分理民事天衢莅任除宿弊賑災荒惠洽黎庶威聲番人政聲籍甚以大母喪承重丁憂歸服除藩檄屢促起復天衢曰昔毛義捧檄而喜親在故也今我何如遂以疾辭不赴時論高之學使簡公題額褒美居鄉助修學宮葺籍山書院夷險道建橋梁尤多善行

王輔字左星運使與長子才偶儻喜任事篤於孝友由貢生當授邑宰念母老遲徊不卽謁選久之任山西永和縣縣荒陋文教未興輔首崇學校月三課親爲殿最以示鼓勵又時

南陵縣志

卷之八

人物志 宦業

十八

進其少雋指授爲文法度自是邑人士咸知向學邑舊多流亡輔詢所苦取謂解費不均民累特甚輔令費渾地派民免賠累諸流亡得以復業至凡公費悉出官囊不以責民民頌德署縣門曰公正廉威天下少解囊賠錢自古無語雖俚紀實也尋病卒邑人哀之初與守河間親老不能從畱輔代養於家深得歡心與父嘗語人曰孫善承順吾竟忘其父之遠宦也南邑秋糧輸納向未設庾廩嘗有風雨紅朽之患輔獨出貲建倉又嘗同紳士議復條編甚力諸所設施有裨里黨類如此祀鄉賢祠

萬國號雲坡夙擅文譽仗義疏財康熙壬子以選拔入雍教

習授知縣改授亳州學正州士習頽靡國至日以砥行讀書與多士相切劘月有課以覘勤惰文風聿振五護州印清操如一州城被火延燒千餘家亟出粟以賑見道路暴露者捐棺瘞之州牧朱之璉治績輝著緣盜案解任新收李班已莅任而民心不忍朱去欲畱其行國乃奮筆臚其善政通詳上臺朱得復任檄下之日歡聲雷動尋陞鳳陽府教授以目疾告歸州人爲立去思碑初國赴任時焚鄰里逋券約數百金及林居數年不涉外事易簣時猶吟咏不輟子方涵性至孝年二十母張沒哀毀骨立因父在不敢廬墓獨處一室三年不入內閫

南陵縣志

卷之八

人物志 宦業

十九

劉運灝字鴻起光祿楷第三子楷以繼弟輩爲後以屢困闈試捐授直隸贊皇縣知縣縣治萬山中與晉壤接爲逋逃藪舊於城守兵外另設戍兵於王家坪兵悍爲民病灝至威惠並行兵乃帖息民藉以安徵輸改行條編閭邑稱便尤加意作人邑額入學八名癸巳學使按部至閱童子卷歎曰非劉令詎能至是特拔至十二名以才爲諸上臺所重凡鄰邑捕蝗監賑查視河工悉以委灝所至有聲攝篆饒陽新樂斥勢宦懲蠹役嘗爲前令代完虧空以母卒丁艱邑民懇畱於臺司將具疏請灝匍匐前泣曰衰經視事天良已滅何以臨民力辭乃止扶輿歸送者道塞抵家數月而生父病劇以改大

學事諄諄遺命灝與諸弟泣領之後以奔馳勞瘁致疾事未下先卒邑祀鄉賢祠

劉運鮒字西臨康熙戊戌進士由庶常授檢討充實錄館纂修改御史巡視南城五方雜處嚴緝姦匪商民感戴擢刑科給事轉工科都給事尋授廣東惠潮道俗健訟運鮒儆刁風除陋習豪猾斂跡以艱歸服闋補刑部郎中兩任分校所得士表曰修王會汾蔡揚宗皆有名出知雷州府清介勤慎以疾卒於官

吳瑞字舜班少敏慧以諸生貢太學考入一統志館期滿授福建連城令連民生女不舉生男殤輒啗犬豕瑞嚴禁革其

南陵縣志

卷之八

人物志 宦業

二十

俗上官以爲能調繁武平邑愚民每食斷腸草自殺洩忿瑞至敦勸遏絕厚賞掘草根者一石十金以除其害民德之爲立祠於賢良以軍功議敘陞授延安知府延有三邊定靖二邊兵餉就近徵收於民便會有題歸州縣者瑞爲哀籲得請如舊至均攤丁稅停墾荒皆力爭得之又捐俸尊經閣制禮樂器新韓范祠暨橋東門道延民感頌大將軍岳鍾琪委攝榆林道料理軍需間關盡瘁帥府深加器重事竣以父老告終養格於例力請改調補禮部員外郎一切持正於名器不少假久之得陳情歸長子一鳳戊午副榜卽用教諭以好善樂輸議敘加四級

劉攜字杓龍雍正己酉舉人乾隆中知雲南江川縣癸未冬

地震水涌石裂村舍蕩析無存攜因暴露之倉穀計口賑粥

急請發帑以繼生者得食死者得槨縣學舊在城外遭水漂

沒攜遷之城中輪奐甚備歷晉寧新興二州奉檄讞鉅獄全

活二千餘人卒官士民泣送遍野江川人勒石紀績焉

陶煥字熙文乾隆戊午舉人壬戌會試錄取明通榜任溧水

教諭以薦遷知直隸保定縣調順義恭逢

駕幸灤河先一日雨水壞橋道需修葺費甚急吏借得千金詢知

出自有案之家卻之曰寧以悞公于吏議不可苟且受民財

造次中有守如此丁艱服闋歷江西東鄉樂安金谿興學校

南陵縣志

卷之八

人物志 宦業

二十一

建義倉決訟無滯民甚德之歸家貧甚人嗟惜之煥曰居官

無錢是好消息處之裕如

劉祖佑字念貽監生綠例入仕任浙江運副乾隆辛未歲祲

發鹽義倉賑濟全活甚眾奉檄經理江湖水利寧壽葑葦淤湖

流深暢湖外闢去灘蕩八百八畝增溉仁和海寧田畝二千

頃署玉環同知懲悍民定疑讞軍民帖服島嶼肅清辛未壬

午恭逢

鑾輅時巡兩次引

見蒙

恩賜貂皮內段荷包在浙二十餘年歷攝金華諸邑卒官

人物志

武烈

傳曰止戈爲武又曰神武不殺善戰者無赫赫之功古今

所以推儒將也然詩稱武王載旆如火烈烈亦古之所不

諱如虎如貔之士烈以義成武能定國名垂後世不虛耳

否則殺人以逞等性命於鴻毛武之爲武暴矣哉

元

徐用和至正十二年海賊猖獗行中書左丞帖里帖木兒咨

取用和參贊軍務勦捕海賊招撫有功陞都鎮撫上命繪圖

傳遠勅賜伴僕二十四姓及卒賜祭葬墓在繁昌石龍衝

明何應龍字子驥晉孝子琦後風采英毅多膂力涉獵書史通

南陵縣志

卷之八

人物志 武烈

二十二

大意鄉鄰有爭輒爲直之莫不誠服元末里中俠少嘯聚間

發應龍謀致渠魁斬之餘悉匍伏請命乃散粟給士部署捍

禦鄉井獲安前快烈馬赤星吉開省太平卒然徵兵無應之

者應龍起義兵以從有功星吉以聞授珠虎符爲民兵萬戶

丁未歸附詔世襲其官隨師四出累著功勳洪武戊申從左

相國徐公達北定中原還京師備宿衛丙辰征西至歸德州

以疾終遺書誡諸子拳拳以睦族爲訓子執中襲職仲子時

中聚姓同居者九世景泰甲戌元孫讓自備米四百石納通

州倉懇辭冠帶願請信牌詔旌曰尚義之門

丁未府志

劉維清號漳濱萬歷丁酉戊戌聯捷武榜初授新江口坐營

都司操江丁公器之委開統京武弁賢否凡有黃緣拒弗納陞薊鎮石匣營遊擊舊操練日軍士各有例獻清盡卻不受陞浙江北洋遊擊乘風出汛不避難險民爲立祠招寶山陞湖廣鎮寧參將卒

管一馴號寧海萬歷乙卯以三科武舉歷任至保定大寧掌印都司護總鎮印時闖賊犯鎮一馴用連環砲戰卻之夜巡城遇都御史張寅從妓館出明日逐妓去張愧恨因一馴出城探賊遂以通寇誣劾下獄適原任南陵知縣甘文奎爲刑部郎力救得不死後都城陷出一馴於獄授僞職不受遁歸旋卒

南陵縣志

人物志 武烈

二十三

人物志

鄉獻

文以備記載獻以備諮訪文獻不足言則無徵自古而然獻有二有國獻有黎獻黎獻者鄉獻也或有位或無位或有位而不以位重卽無位而亦不以無位輕詩曰雖無老成人尚有典刑獻之謂與

宋方懋德字元相宣和三年起家冒監授鄂州刑曹改湖州武康尉有丐者死或以誣富人沈氏獄已具懋德辯釋之用薦移晉陵丞改知錢塘縣時郡科輒五十萬懋德持不可立庭下屹不去卒罷之會使者按畿邑箠杖不如律者罪且連邑

南陵縣志

卷之八

人物志 鄉獻

二十四

佐懋德言此令罪邑佐無與請自坐遂得免後知廣德軍未

赴卒著有雲溪野老集

府志載

楊若字又先唐吏部於陵之後幼孤力學登紹熙元年進士

授峽州長楊縣主簿歷綿州羅江縣丞漢陽軍司理改宣教

郎知祁縣明恕不可犯秩滿除分司陞提轄監登聞檢院除

大理司直知江陰軍未行復爲軍器監丞易太府寺出知全

州興學敦行創賑濟倉減輪租浮斛多惠政豪民號西山老

虎者聚黨恣橫設法繩之移知信州召爲大宗正丞遷都官

郎陞直祕閣進朝議大夫直寶章閣致仕

府志載

元王廷字宗美性孝友有學行以世飢將家產分給二弟并與

族鄰自禮堂徙居清弋江隱居宣守以郡檄補官辭不就邑

令建書院於其地以師聘之亦不就邑人尊之曰東澗先生

至元十六年浙江行中書省用爲廣德路學正元貞二年除

益州教授創建廟廡士民譽服丁祖母艱歸尋以寧國路教

授致仕年八十餘卒翰林待制楊剛中爲誌墓府志載

明范懋字士勉復姓方永樂三年由鄉貢授河西令遷隰州同

知廉明不可犯百姓以包孝肅稱之致政歸士民饋遺皆不

受隰民不忘其德爲立思廉亭府志載

陳效字志學成化辛丑進士爲人惻惻無華由戶部主事轉

員外郎中綜理漕務甚久上下便之大司徒秦公鉉倚以爲

南陵縣志 卷之八 人物志 鄉獻 二十五

重先是諸倉輸賦者初至儲積於地每淋潦驟至米雜泥滓

中或至漂瀉腐敗患不可言效乃規措悉費以石至今永賴

出知興化府適大旱籍庫帑二千餘金市穀賑饑復請於朝

悉蠲歲賦郡有木蘭陂障海潮歲久石圯效極力繕治又濬

小西湖在郡八年百廢具舉陞鹽運使凡裕民便商事爲之

不遺餘力後以忤逆瑾歸著有東江集府志載

張眞字仲理號奎湖登嘉靖丙戌進士刑部觀政卽疏黜貪

汚簡循良及任華容多惠政有十美十異之謠召入忤執政

出爲延平府同知尋轉南京職方司員外屢疏乞歸大司馬

王公雅重之作序餞別大學士徐公階有奎湖屏銘眞著有

有奎湖詩集府志載

劉維和號懷順性醇謹舉動必以禮父早背析產以二讓兄

而已取其一母氏饑殍更獨任之家不甚殷好周人急助婚

助葬族鄰德之一生無爭人有橫逆相加者笑言譬解咸冰

釋以進以子有源貴受封一仍布素人服其德量卒年八十

一祀鄉賢祠府志載

管橋號五陵萬歷乙未進士初任嘉興令丁母艱服闋補長

泰縣泰最苦麻餉橋悉除之礦役大興多藉爲奸利橋力請

禁戢始不敢肆泰民尸祝焉遷大理評事雪疑獄大辟者數

人行取監察御史丰采嚴凝指劾不避權貴例轉福建僉事

南陵縣志 卷之八 人物志 鄉獻 二十六

會子一堂登賢書遂解組歸捐資置田與六邑名宿講學安

賢祠祀鄉賢著有涵空閣集府志載

國朝劉蘭生字君徵號涵潛觀察有源長子廩貢生有源歷官

中外蘭生秉家政節儉如寒素篤訓諸弟鉅細事皆身任不

以分其心足跡不入公府或謂父爲臺諫子卽稍事請囑何

損平生而甘自苦爲笑答曰倘吾父老諸生吾亦將事請囑

耶族推有源爲攝宗凡建祠理譜釐祀訓族蘭生悉佐理焉

歲辛巳大禡道殣相望同弟篤生倡募設廠煮糜於四城樓

以食飢者身董其事全活無算一日諸當事宣講鄉約向眾

中問曰汝等試言此日邑中誰可稱善人者齊應聲曰莫過

貢生劉蘭生其爲眾所推服如此初有源之以憂家居也目觀桑梓受困里役多致鬻產棄妻者謀所以紓其困蘭生亟對曰是惟條編善蓋條編創自海忠介爲巡撫時而未及行則諸項悉有畫一之數卽顯貴與豪右輸納亦不得稍異齊民胥吏無從上下其手有源遂毅然言於知縣張其孝排眾議行之而左右贊厥成者蘭生力也未幾黠吏奸民交相爲梗法浸廢

國朝康熙初巡撫徐公國相復下其法惟南陵應令最先固一時紳衿與蘭生之孫楷力舉其事亦賴先時行之有成規在耳此其爲德於鄉最鉅至割券讓產周急扶窮諸細行不具

南陵縣志

卷之八

人物志 鄉獻

二十七

書卒年五十六以孫楷貴贈右通政祀鄉賢

府志載
施行

秦仁管字凱人號塞齋舉人鳳儀長子同弟才管登順治丁亥進士授戶部廣西司主事分司鳳陽倉兼管鎮陽榷釐剔積弊餘羨悉奏充軍餉癸巳以員外郎督理中南倉有陰圖陷害者卒以生平清故計不得行陞本部雲南司郎中丁酉以廣西賓州道出丁父艱未任服闋補陝西靖遠道其地極邊喪亂後城堡頽塌民多逃亡仁管力爲招徠督開墾修城垣期與民休息未幾奉裁甲辰補大名道任未三月以內艱歸尋起爲蒼梧驛鹽道三年方將報奏而吳逆反滇南仁管隨移書馬中丞言戰守事又隱窺孫逆延齡情形預馳檄傳

將軍宏烈早爲之備皆不能用未幾孫逆果據城反迫脅慘酷瀕死者再旋遁跡窮巖陰圖收復已而間道奔投

王師爲聞於朝奉有秦仁管未受僞職聽令休致之旨仁管深以孤忠得蒙洞鑑歸老林泉爲異數也生有至性篤友朋而桑梓之誼尤肫肫焉有故人遠宦而貧卒於官者爲返其櫬有妻子流轉他鄉者助以歸其義行多此類

府志載
宦績

王奐字賡阿號千峯順治五年拔貢授奉化知縣邑多逋賦奐至免耗羨民爭輸納恐後巡按御史特褒之時海寇猖獗奐親冒矢石率民兵拒守邑獨全尋以憂去服除補米脂知縣陞順德同知並著聲績擢河間知府會有大獄涉不軌連

南陵縣志

卷之八

人物志 鄉獻

二十八

數十百人奐賞其魁於法餘皆末減又會讞羣盜獄具論死奐辨其枉特出之已而果得眞盜治如法眾驚以爲神遷山東都轉運使鹽法道賄商困裕邊儲報最以疾卒於官中外惜之奐爲人忼爽好義有官景州者坐逋官帑旅櫬其妻子久不得歸奐爲賑貸以歸之至周卹親故與士大夫交遊無不得其歡心少攻苦善屬文而以不得與科第爲憾故凡遇能文之士倍加禮尤精賞識於奉邑河郡所得士後多爲名臣邑祀鄉賢

府志載
宦績

梁于淇字儀武號省齋至性肫篤事父備極色養母劉早卒事繼母一如生母友愛二弟居恆不干公府惟爲條編事侃